



## GRADONAČELNIK

Broj: 07- \_\_\_\_ /26

Datum: \_\_. \_\_. 2026. godine

Na osnovu člana 37. Statuta Grada Srebrenik ("Službeni glasnik Grada Srebrenik", broj: 1/24), Odluke o budžetu Grada Srebrenik za 2026. godinu („Službeni glasnik Grada Srebrenik“, broj: 1/26), te tačke II, podtačka 13. Programa utroška sredstava s kriterijima raspodjele sredstava, transfera i subvencija utvrđenih Budžetom Grada Srebrenik za 2026. godinu Službi za boračko invalidsku zaštitu i društvene djelatnosti („Službeni glasnik Grada Srebrenik“, broj: 5/26), Gradonačelnik Grada Srebrenik raspisuje:

### JAVNI POZIV

#### za predlaganje projekata i programa nevladinih organizacija i udruženja građana koji će se finansirati iz Budžeta Grada Srebrenik za 2026. godinu

#### Predmet i cilj Javnog poziva

I

Raspisuje se Javni poziv za predlaganje programa i projekata nevladinih organizacija i udruženja građana za 2026. godinu, a u skladu sa potpisanim Sporazumom o saradnji između Općinskog vijeća, općinskog načelnika i nevladinih/neprofitnih organizacija općine Srebrenik („Službeni glasnik Općine Srebrenik“, broj: 9/15) – u daljnjem tekstu: *Javni poziv*.

II

Cilj Javnog poziva je podrška projektima koje provode organizacije civilnog društva na području grada Srebrenik, a koji doprinose realizaciji ciljeva, prioriteta i mjera definisanih Strategijom razvoja Grada Srebrenika 2024–2027 i Gender akcionim planom Grada Srebrenik (GAP) 2025.-2027.

#### Pravo učešća i pravo dodjele

III

Pravo učešća na Javni poziv imaju nevladine organizacije i udruženja građana koje uredno dostave dokumentaciju po tački VIII Javnog poziva - u daljnjem tekstu: *aplikanti*.

Pravo na dodjelu sredstava imaju aplikanti iz prethodnog stava koji ispune kriterije za dodjelu sredstava po tački V Javnog poziva – u daljnjem tekstu: *korisnici*.

#### Iznos sredstava za dodjelu

IV

Finansiranje prijavljenih projektnih prijedloga po Javnom pozivu planirano je s budžetske pozicije ekonomskog koda 614324 -*Tekući transferi udruženjima građana – Razna udruženja*, u skladu sa Odlukom o budžetu Grada Srebrenik za 2026. godinu.

Aplikanti na Javni poziv mogu prijaviti **jedan projektni prijedlog ukupne vrijednosti do 3.000 KM**.

Raspodjela raspoloživih sredstava s predmetne budžetske pozicije vrši se korisnicima u skladu s brojem prijavljenih projektnih prijedloga koji ispune kriterije za dodjelu, pri čemu je iznos dodjele po jednom projektnom prijedlogu **do 3.000 KM**, u zavisnosti od ukupne vrijednosti projektnog prijedloga koji ispunjava kriterije dodjele odnosno rezultata vrednovanja za isti.

Grad Srebrenik zadržava pravo da ne dodijeli sva raspoloživa sredstva s predmetne pozicije u slučaju da prijavljeni projektni prijedlozi po Javnom pozivu ne zadovoljavaju kriterije za dodjelu sredstava.

## Kriteriji za dodjelu sredstava

### V

Raspodjela sredstava po Javnom pozivu izvršit će se u skladu sa općim i posebnim kriterijima dodjele, kako slijedi:

#### Opći kriteriji za dodjelu sredstava:

- da je aplikant registrovan u skladu sa zakonom i da mu je djelatnost vezana za prioritetnu oblast djelovanja po tački VI Javnog poziva na koju se prijavljuje,
- da aplikant ima sjedište na području Federacije BiH,
- da je aplikant dostavio Gradu Srebrenik izvještaj o namjenskom utrošku sredstava dodijeljenih po prethodnom javnom pozivu sa predmetne budžetske pozicije.

#### Posebni kriteriji za dodjelu sredstava:

- da se predloženi projekat realizuje na području grada Srebrenik,
- da se predloženi projekat odnosi na prioritetnu oblast utvrđenu tačkom VI Javnog poziva,
- da predloženi projekat u ocjeni i vrednovanju po tački IX Javnog poziva ostvari najmanje 50 bodova.

U skladu sa općim i posebnim kriterijima za dodjelu sredstava, aplikanti po Javnom pozivu moraju ispunjavati sljedeće standarde i principe:

- imati svojstvo pravne osobe i djelovati na području grada Srebrenik;
- da svojim djelovanjem promišlju vrijednosti civilnog društva i pridržavaju se "Kodeksa ponašanja za nevladin sektor u BiH", što dokazuju potpisanim izjavom o prihvatanju pravila propisanim ovim dokumentom (udruženja koja još uvijek nisu potpisala izjavu, istu mogu potpisati u nadležnoj gradskoj Službi);
- da provode aktivnosti usmjerene na potrebe zajednice, rukovodeći se načelima djelovanja za opšte dobro;
- da imaju i vode transparentno finansijsko poslovanje i izvještaje o dosadašnjem radu i poslovanju;
- da sredstva dobijena iz budžeta ne smiju koristiti za finansiranje naknada svojih članova koje se već podmiruju iz budžetskih sredstava po posebnim propisima.

Sredstva koja se dodijele Javnim pozivom, korisnici su dužni opravdati nadležnoj gradskoj Službi odgovarajućom dokumentacijom odmah nakon završetka projekta, a najkasnije do kraja 2026. godine - u protivnom gube pravo na dodjelu sredstava u narednom periodu, a nadležna gradska Služba će pokrenuti postupak kod nadležnih organa za povrat dodijeljenih sredstava.

## Prioritetne oblasti djelovanja - finansiranja

### VI

Prioritetne oblasti finansiranja na koje se aplikanti mogu prijaviti projektne prijedloge po Javnom pozivu, u skladu sa Strategijom razvoja Grada Srebrenik 2024-2027 i GAP 2025.-2027., su sljedeće:

#### **LOT 1 – Ekonomski razvoj: poduzetništvo, turizam i razvoj lokalne privrede**

Podržavaju se projekti koji razvijaju infrastrukturu, kapacitete i kompetencije u oblasti poduzetništva i turizma, promišlju samozapošljavanje, lokalne proizvode, startup ideje, edukacije, sajmove i saradnju između civilnog sektora i lokalne privrede i saradnju lokalne zajednice s dijasporom.

#### **LOT 2 – Društveni razvoj: obrazovanje, kultura i podrška mladima u lokalnoj zajednici**

Podržavaju se projekti koji razvijaju i afirmišu aktivnosti i/ili bolje uslove za mlade u oblasti obrazovanja, nauke, kulture i umjetnosti u lokalnoj zajednici kroz edukacije, izražavanja, izložbe, revije, promocije i volonterizam i sl. u lokalnoj zajednici.

#### **LOT 3 – Zaštita okoliša: zeleni projekti i održivi razvoj lokalne zajednice**

Podržavaju se projekti koji doprinose zaštiti okoliša, reciklaži, upravljanju otpadom, energijskoj efikasnosti, smanjenju energetske siromaštva, podizanju svijesti o klimatskim promjenama i uređenju javnih zelenih površina lokalne zajednice.

#### **LOT 4 – GAP: projekti udruženja žena usmjereni na osnaživanje žena i rodnu ravnopravnost**

Podržavaju se projekti usmjereni na djelatnosti udruženja žena sa područja grada Srebrenik, a koji doprinose ekonomskom osnaživanju žena, rodnoj ravnopravnosti, zapošljavanju žena i aktivnijem učešću žena u ekonomskom i društvenom životu lokalne zajednice.

## Izuzeća od finansiranja

### VII

Programi/projekti koji se ne mogu finansirati po ovom Javnom pozivu su:

- projekti organizacija/udruženja građana koja nisu registrovana u BiH i koje ne vode državljani BiH;
- projekti kojima se podrazumijeva finansiranje plaća i drugih ličnih koristi članova organizacija/udruženja građana;
- projekti koji se neće realizovati na području grada Srebrenik i koji nisu namijenjeni građanima grada Srebrenik;
- projekti koji se ne odnose na oblasti navedene u tački VI Javnog poziva;
- projekti koji imaju isključivo komercijalni karakter i koji provode bilo koje aktivnosti političkih partija;
- projekti organizacija/udruženja građana čija je djelatnost finansirana posebnim propisima u skladu s kojim se aktivnosti ovih aplikanata finansiraju s drugih budžetskih pozicija Budžeta Grada Srebrenik za 2026. godinu;
- projekti udruženja iz oblasti sporta i projekti omladinskih udruženja definisanih Zakonom o mladima u Federaciji BiH, obzirom da se isti finansiraju sa drugih budžetskih pozicija Budžeta Grada Srebrenik za 2026. godinu.

## Dokumentacija za prijavu

### VIII

Aplikanti na Javni poziv obavezni su dostaviti sljedeću dokumentaciju:

1. Jedinstven aplikacioni obrazac sa nazivom projekta;
2. Prijedlog projektne aktivnosti sa:
  - pregledom budžeta projekta i narativnim dijelom,
  - planom aktivnosti realizacije projekta,
  - planom potrošnje finansijskih sredstava;
3. Rješenje o registraciji za aplikanta i za partnere ukoliko postoje;
4. Identifikacioni broj;
5. Podaci o licu ovlaštenom za zastupanje;
6. Opisni izvještaj o realizovanim projektima u prethodnoj godini za ranije osnovana udruženja odnosno Program rada za novoformirana udruženja i nevladine organizacije;
7. Završni godišnji finansijski izvještaj za prošlu godinu (bilans stanja i bilans uspjeha);
8. Podaci o osobama koje realizuju projekat;
9. Izvještaj sa računima, ugovorima i drugim dokazima o utrošenim sredstvima iz prethodne godine kada su im sredstva zadnji put dodijeljena, a koja do momenta raspisivanja ovog Javnog poziva nisu opravdali;
10. Potpisana izjava o poštivanju Kodeksa ponašanja za NVO sektor.

**Projektni prijedlozi moraju biti urađeni u skladu sa LOD metodologijom koja je sastavni dio Javnog poziva.**

## Provjera i vrednovanje prijava

### IX

Provjeru dokumentacije i vrednovanje prijavljenih projektnih prijedloga aplikanata vrši Komisija sastavljena od 3 (tri) člana koju imenuje Gradonačelnik. Komisija vrši vrednovanje aplikanata u skladu s propisanim Pravilnikom, pri čemu se uzimaju u obzir sljedeći kriteriji:

1. *Finansijski i operativni kapaciteti* (maks. 20 bodova),
2. *Relevantnost* (maks. 25 bodova),
3. *Metodologija* (maks. 15 bodova),
4. *Održivost* (maks. 25 bodova) i
5. *Budžet i racionalnost troškova* (maks. 15 bodova).

Maksimalan broj bodova po svim kriterijima u ocjeni i vrednovanju iznosi 100, pri čemu **projekti/programi koji ostvare manje od 50 bodova neće ostvariti pravo na dodjelu sredstava po Javnom pozivu.** Komisija zadržava pravo tražiti od aplikanta da izvrši korekciju budžeta

predloženog projekta ukoliko utvrdi da je isti nerealno postavljen i da su troškovi projektnih aktivnosti veći od stvarnih.

### Rok za dostavu prijava i dodatne informacije

X

Javni poziv ostaje otvoren 15 dana od dana objavljivanja na Oglasnoj ploči Grada Srebrenik i internet stranici Grada Srebrenik [www.srebrenik.ba](http://www.srebrenik.ba). Prijave na javni poziv sa potrebnom dokumentacijom se dostavljaju u zatvorenoj koverti preporučenom pošiljkom ili lično na pisarnicu Grada Srebrenik na sljedeću adresu:

**GRAD SREBRENİK**  
Služba za boračko invalidsku zaštitu i društvene djelatnosti  
Ul. Ibrahima Salihovića b.b.  
75350 Srebrenik  
sa naznakom „Javni poziv za OCD – LOT \_\_\_\_\_ - Ne otvarati prije zvaničnog otvaranja“

**Napomena:** u navedenoj naznaci, upisati broj LOT-a na koji se prijavljuje projektni prijedlog po tački VI Javnog poziva.

Dokumentacija za prijavu na Javni poziv se može preuzeti od dana otvaranja Javnog poziva u Službi za boračko invalidsku zaštitu i društvene djelatnosti Grada Srebrenik. Dokumentacija u elektronskoj verziji (cijeli paket prijavne dokumentacije) može se preuzeti na službenoj internet stranici Grada Srebrenik [www.srebrenik.ba](http://www.srebrenik.ba).

Projektni prijedlozi koji ne budu dostavljeni u propisanoj formi, koji ne budu kompletni i blagovremeni, neće se uzeti u razmatranje.

Sve dodatne informacije u vezi Javnog poziva mogu se dobiti putem broja telefona 035/369-169.

**GRADONAČELNIK**

**Adnan Bjelić**

